



CONVENIO DE COLABORACIÓN ENTRE O INSTITUTO GALEGO DA VIVENDA E SOLO (IGVS) E A ASOCIACIÓN DE EMPRESARIOS DE MATERIALES PARA LA CONSTRUCCIÓN (ASEMACO) PARA A DIVULGACIÓN DAS AXUDAS EN MATERIA DE VIVENDA EN GALICIA E DO FINANCIAMENTO CO SISTEMA CREDIASEMACO

En Santiago de Compostela, a 26 de maio de 2015


REUNIDOS

Dunha parte, Dna. Ethel María Vázquez Mourelle, Presidenta do Instituto Galego da Vivenda e Solo, en virtude da atribución que lle confire o Decreto 97/ 2014, do 24 de xullo polo que se establece a estrutura orgánica do Instituto Galego da Vivenda e Solo (en adiante, IGVS) e o Decreto 70/2014, do 17 de xuño, de nomeamento da conselleira de Medio Ambiente, Territorio e Infraestruturas.


Doutra parte, D. Bernardino Comesaña Goberna, Presidente da Asociación de Empresarios de Materiales para la Construcción (en adiante, ASEMACO), según acordo adotado na Asamblea Xeral Ordinaria de 12 de marzo de 2009 da devandita asociación.

As partes, recoñécense no concepto no que respectivamente interveñen, capacidade para o outorgamento do presente convenio, e para o efecto,

EXPOÑEN



Primeiro.- Ao IGVS, segundo o establecido no artigo 3 da Lei 3/1988, do 27 de abril, correspóndelle a realización da política de solo e vivenda da Xunta de Galicia, polo que está interesado en apoiar todas aquelas iniciativas de carácter público ou privado que contribúan a incentivar o sector.



Segundo.- ASEMACO é unha asociación integrada por empresas do sector de comercio de materiais de construción e saneamento, aínda que tamén teñen cabida

empresas de sectores moi afíns do comercio da construción en xeral: fabricantes e distribuidores de prefabricados de formigón, plantas de formigón, fábricas de cerámica, derivados do cemento, empresas de granito, alugadores de maquinaria, etc.

O seu ámbito de actuación é Galicia e os seus fins asociativos son a xestión, defensa e coordinación dos intereses comúns das empresas asociadas integradas na mesma.

Terceiro.- Entre os servizos que presta ASEMACO está o sistema Crediasemaco, produto da colaboración coa entidade financeira Abanca Corporación Bancaria, s.a., consistente nun sistema de financiamento das vendas das empresas asociadas aos seus clientes.

Cuarto.- Como complemento ao servizo citado e coa finalidade de incentivar o mercado da rehabilitación, que ten unha incidencia clara no sector no que opera ASEMACO, a asociación está interesada en difundir as axudas que existen neste ámbito e que supoñen un incentivo para acometer estas actuacións, e para iso amosa a súa vontade de colaborar co IGVS na divulgación das axudas xestionadas polo organismo.

Quinto.- As partes asinaron tres convenios de colaboración dende o ano 2012 que tiñan por obxecto contribuír á difusión do sistema Crediasemaco e, por ende, constituír un mecanismo de incentivación da rehabilitación na nosa comunidade autónoma.

Durante o exercicio 2014 tramitáronse 240 solicitudes e concedéndose 170 operacións por importe de 357.522,00 €. Isto leva á Asociación a valorar esta iniciativa e o seu resultado de éxito, xa que activa a actividade comercial e significa unha fonte de financiamento para o consumidor final.

Por todo o exposto, e co obxectivo de coordinar as actuacións nos obxectivos previstos, as partes asinantes acordan formalizar o presente convenio de colaboración con suxeición ás seguintes,

CLÁUSULAS




Primeira.- O presente convenio ten como obxectivo establecer as pautas de colaboración entre as partes para a promoción do sistema Crediasemaco, por entender que se trata dun sistema que incide favorablemente na potenciación da realización das actuacións de rehabilitación na Comunidade Autónoma.


Segunda.- ASEMACO mencionará expresamente a colaboración do IGVS na divulgación e publicidade do sistema Crediasemaco nos seus centros e nas campañas publicitarias que realice a través de calquera medio de comunicación, e como complemento ao citado servizo, facilitará nas dependencias dos seus asociados, información sobre as axudas en materia de rehabilitación xestionadas polo IGVS.

Terceira.- O IGVS colaborará con ASEMACO na divulgación e publicidade do sistema Crediasemaco nos medios de comunicación, prensa e radio a nivel autonómico, sen que esta colaboración implique ningún tipo de responsabilidade para o IGVS derivada directa ou indirectamente do funcionamento do sistema crediasemaco, e proporcionará a ASEMACO a información das liñas de axudas á rehabilitación que xestiona.

Cuarta.- O IGVS pagará a ASEMACO a cantidade de doce mil euros (12.000,00 €), impostos incluídos, con cargo á aplicación orzamentaria 07.81.451C.640.0 prevista nos orzamentos do IGVS para o ano 2015, para compensalo polos gastos que á asociación lle supoña a publicidade sinalada na cláusula anterior e cuio orzamento se sinala como anexo a este convenio.

v
 O pago realizarase contra presentación da xustificación dos gastos efectivamente realizados para cumprir cos compromisos asumidos nas cláusulas segunda e terceira do presente convenio.

O importe da achega en ningún caso poderá ser de tal contía que, illada ou en concorrencia con outras, supere o custo da actividade.



Quinta.- Para o seguimento e control do cumprimento do presente convenio constituirase unha comisión integrada por un representante de cada unha das partes asinantes.

Sexta.- O presente convenio estenderá a súa vixencia dende a súa sinatura ata o 30 de decembro de 2015, podendo prorrogarse por un período igual ao da vixencia do mesmo, mediante acordo expreso das partes, sempre que a súa prórroga se adopte con anterioridade ao remate do seu prazo de duración.

Sétima.- Son cláusulas de resolución do presente convenio:

- 1.- O seu incumprimento total ou parcial.
- 2.- O transcurso do tempo estipulado sen que se cumpran os obxectivos previstos, agás causa debidamente xustificada.
- 3.- O mutuo acordo das partes asinantes.

Oitava.- Ao presente convenio non lle será de aplicación a lexislación de Contratos do sector público, conforme ó disposto no artigo 4.1.d) do Real Decreto legislativo 3/2011, do 14 de novembro, polo que se aproba o texto refundido da Lei de Contratos do Sector Público, e no apartado 2 do mesmo, sen prexuízo da aplicación supletoria dos principios da Lei para resolver as dúbidas ou lagoas que se puideran presentar.

Dada a natureza xurídico pública do presente convenio, as controversias que puidesen xurdir na aplicación do convenio serán resoltas pola xurisdición contencioso administrativa.

En proba de conformidade, asínase o presente convenio, en cuádruplicado exemplar, no lugar e data antes citados.


POLO IGVS
Ethel María Vázquez Mourelle


POR ASEMACO
Bernardino Comeñaña Goberna

ANEXO

Actuación	Nº	Importe
Campaña de spot televisivo en distintas TV	150 pases	9.000,00
Impresión de dipticos,	50.000	5.500,00
Displays-expositores	500	
Pegatinas Adhesivas	200	
Publicidade en medios escritos	20	6.000,00
Gestión de coordinación do proxecto e distribución personalizada do soporte promocional nas catro provincias		3.500,00
Fabricación e substitución de rótulos luminosos	88	20.000,00
Creación do novo spot televisivo		1.000,00
Dirección, desenrolo, deseño e elaboración do proxecto realizado pola equipa da organización de ASEMACO	3	2.000,00
Total publicidade		47.000,00

